

## **UniMAP ANJUR SYARAHAN PROFESOR ANTARABANGSA**

Rabu, 9 Mac – Universiti Malaysia Perlis (UniMAP) meneruskan penganjuran program siri Syarahan Profesor Antarabangsanya apabila menjemput seorang professor dari National Laboratory of Atomic, Molecular and Optical Physics, Torun, Poland, Dr. Piotr Kolenderski bagi menyampaikan syarahan bertajuk Quantum Communication with Single Photons.

Menurut Timbalan Naib Canselor (Penyelidikan dan Inovasi) Prof. Dr Abdul Hamid Adom, Dr. Piotr Kolenderski menerima Ijazah Sarjana dan Ijazah Kedoktoran dalam bidang Fizik masing-masing pada tahun 2006 dan 2010 daripada Nicolaus Copernicus University, Torun, Poland.

“Beliau kemudiannya menyertai Quantum Photonics Laboratory at Institute for Quantum Computing, Waterloo di Kanada sebagai felo doktor dan sekarang berkhidmat sebagai pembantu professor di National Laboratory of Atomic, Molecular and Optical Physics, Torun, Poland.

“Bidang utama penyelidikan beliau adalah berfokuskan kuantum komunikasi jarak jauh dan lelaran multiphoton terikat,” katanya ketika membacakan teks ucapan Pemangku Naib Canselor UniMAP pada Majlis Syarahan Profesor Antarabangsa yang diadakan di Auditorium Perpustakaan Tuanku Syed Faizuddin Putra (PTSFP).

Prof. Hamid juga yakin hubungan baik UniMAP bersama Kedutaan Poland di Malaysia akan memberikan kelebihan kepada UniMAP untuk menerima lebih ramai pakar-pakar daripada Poland untuk datang ke UniMAP.

**Dikeluarkan oleh**

**Nurul Aida Othman**

Penolong Pegawai Perhubungan Media